



CON LAS BECAS SANTANDER ERASMUS
CONVIERTE TU EXPERIENCIA EN UN
ERASMUS

XL



Santander

CRUE



UNIVERSIDADE DA CORUÑA

CONVOCATORIA DE BOLSAS SANTANDER ESTUDOS / ERASMUS CURSO 2022/23

De conformidade co documento de adhesión asinado entre o Banco Santander e a Universidade da Coruña (UDC), publícase a convocatoria de 23 bolsas para o curso 2022/23 no marco do programa BOLSAS SANTANDER ESTUDOS / ERASMUS. As bolsas teñen por obxecto axudar aos estudantes universitarios matriculados na UDC que vaian realizar unha estancia Erasmus+ de estudos ou prácticas para o curso académico 2022/23, fomentando deste xeito a mobilidade e formación dos estudantes no ámbito da Unión Europea, así como fomentando a súa empregabilidade antes, durante e despois da súa estancia internacional.

I. NÚMERO DE BOLSAS E OBXECTO DESTAS

1. Convócase un total de 23 bolsas por un importe total de 14500 euros con cargo á partida orzamentaria 0800470121 422D 48000.
2. A bolsa consistirá nunha axuda económica e nun plan de emprego consistente nuns talleres en liña sobre desenvolvemento de competencias que se ofrecerán a todos os beneficiarios antes de comezar a súa experiencia Erasmus. De igual modo convidaráselles a participar en talleres presenciais de orientación laboral e ao seu regreso a España, unha vez finalizada a súa estancia no estranxeiro, entregaráselles unha licenza para acceder a un simulador de entrevista virtual. Santander, como empresa organizadora, poderá poñerse en contacto cos beneficiarios do programa a través de calquera medio, incluída a vía electrónica, para convocarlles a un acto de recoñecemento e entrega de credenciais.
3. As bolsas ofertadas distribúense da seguinte forma:
 - 2 bolsas por importe de 2000 euros cada unha para estudos
 - 20 bolsas por importe de 500 euros cada unha para estudos
 - 1 bolsa por importe de 500 euros para prácticas

A UDC repartirá as bolsas Santander Erasmus dispoñibles entre as persoas beneficiarias do Programa Erasmus de estudos e/ou de prácticas no curso 2022/23, seguindo a distribución anterior. No caso de que non haxa candidaturas nalgunha das categorías (estudos/prácticas) no prazo correspondente, poderanse adjudicar os fondos a outra categoría.

II. REQUISITOS

A) REQUISITOS XERAIS

Poderá ser beneficiario deste programa o estudantado que satisfaga os requisitos expostos a continuación:

1. **Estar matriculado en estudos oficiais na Universidade da Coruña** tanto no curso 2021/22, momento de solicitar a mobilidade Erasmus+, como no curso 2022/23, momento de realizar a estancia Erasmus+ no estranxeiro.
2. **Ser beneficiario dunha mobilidade física Erasmus de estudos ou prácticas** no marco das convocatorias de mobilidade internacional da UDC para o curso 2022/23.
3. Realizar a **inscripción previa en liña** no programa de Bolsas do Banco de Santander a través da ligazón na páxina web www.becas-santander.com. A inscrición do estudantado deberá realizarse **antes do 15 de marzo de 2022**.
4. Ter unha conta bancaria aberta a nome do/da estudante beneficiario/a no Banco Santander S.A.

B) REQUISITOS ESPECÍFICOS DAS BOLSAS POR IMPORTE DE 2000 EUROS

Estas bolsas serán destinadas aos 2 estudantes que sexan beneficiarios dunha axuda Erasmus estudos e que, ademais, cumpran cos seguintes requisitos:

1. (i) Dispor dos mellores expedientes académicos ponderados conforme ao disposto nas correspondentes bases da convocatoria de mobilidade internacional para o curso 2022/23 para estudantes da UDC (1º prazo).

2. (ii) Ser beneficiario dunha bolsa socioeconómica do Ministerio de Educación, Cultura e Deporte (MECD) o ano anterior á mobilidade, isto é, unha bolsa xeral do anteriormente denominado MECD ou (iii) presentar unha discapacidade igual ou superior ao 33 %, debidamente xustificada coa presentación do certificado oficial correspondente.

Destas 2 bolsas, unha irá destinada á persoa candidata que cumpra cos requisitos (i) e (ii), e outra irá destinada á persoa candidata que cumpra cos requisitos (i) e (iii).

No caso de que a UDC non identifique un candidato que cumpra cada unha destas dúas combinacións de requisitos, poderá asignar as dúas bolsas a estudantes que cumpran a mesma combinación.

No caso de que a UDC identifique un candidato que cumpra de forma simultánea os requisitos (i), (ii) e (iii), poderá ponderar tal circunstancia na medida en que estime oportuno para os efectos da asignación das dúas bolsas deste apartado.

No caso de que a UDC non identifique dous candidatos conforme ao disposto no parágrafo anterior, o comunicará de forma inmediata ao Banco Santander para que este último poda asignar as dúas bolsas en idénticas condicións a outra universidade segundo os criterios establecidos.

C) REQUISITOS ESPECÍFICOS DAS BOLSAS POR IMPORTE DE 500 EUROS

Estas bolsas serán destinadas aos 21 estudantes que sexan beneficiarios dunha axuda Erasmus de estudos ou prácticas cos mellores expedientes académicos ponderados conforme ao que dispón a convocatoria de mobilidade internacional para o curso 2022/23 para estudantes da UDC (1º prazo) ou na convocatoria de Erasmus+ prácticas para o curso 2022/23 (concedidas antes do inicio do prazo de resolución indicado no punto V), e non sexan beneficiarios de bolsas do apartado B).

Non obstante, a UDC poderá priorizar a asignación das bolsas a estudantes que, ou ben foron beneficiarios dunha beca socioeconómica do MECD no ano anterior, isto é, unha bolsa xeral do mencionado Ministerio, ou teñan acreditada unha discapacidade igual ou superior ao 33 %.

III. INSCRICIÓN E FORMALIZACIÓN DAS SOLICITUDES:

1. O/a estudante que decida presentar unha solicitude **deberá formalizar obrigatoriamente a súa inscrición en liña** no Programa de bolsas do Banco Santander a través do enlace da páxina web www.becas-santander.com antes do **15 de marzo de 2022**.
2. Será necesario que as **persoas candidatas** que, ao seu entender, **cumpran co criterio de discapacidade do apartado II.B)2.iii) lle remitan á Universidade**, por correo electrónico a outgoing.rrii@udc.es, antes do 15 de marzo de 2022, o **certificado da discapacidade** así como, debidamente asinado, o anexo I titulado **Cláusula de Protección de Datos asociada ao Programa Bolsas Santander Erasmus**. Este apéndice será custodiado pola Universidade exclusivamente.

IV. PRAZO E LUGAR DE PRESENTACIÓN DAS SOLICITUDES

A solicitude presentárase a través da plataforma do Santander en www.becas-santander.com antes do **15 de marzo de 2022**.

V. RESOLUCIÓN

Para adxudicar as bolsas, a UDC utilizará a cualificación media do expediente académico do estudante no momento da selección para a concesión das mobilidades de estudos ou prácticas de Erasmus+ para o curso 2022/23, de acordo coas regulacións que rexen o cálculo das medias na UDC e ponderadas polo coeficiente corrección de 1.17 para titulacións técnicas. Darase prioridade aos candidatos que cumpran os requisitos de discapacidade e/ou que haxan sido beneficiarios dunha beca socioeconómica do MECD no ano anterior.

A resolución da asignación de bolsas a estudantes publicarase na Web da ORI antes do 1 de xuño de 2022. Publicarase unha lista de espera das persoas candidatas que cumpran as condicións e non foron adxudicatarias das axudas.

A resolución será comunicada ás persoas candidatas, que dispoñerán dun período de 5 días hábiles para confirmar á ORI por e-mail a outgoing.rrii@udc.es, calquera reclamación ou rexeitamento de dita concesión.

Antes do 30 de xuño de 2022, a ORI verificará que todas as persoas adxudicatarias teñan unha conta bancaria aberta a seu nome nalgunha sucursal do Banco Santander, debidamente rexistrada na sede electrónica da UDC.

Contra esta resolución, a persoa interesada poderá interpoñer un recurso de reposición ante o reitor no prazo dun mes a partir do día seguinte a dita publicación.

VI. ACEPTACIÓNS

A ORI asignará as bolsas ás persoas adxudicatarias a través da plataforma Santander antes do 1 de xullo 2022. Estas persoas adxudicatarias **deberán completar a súa aceptación no prazo de 8 días naturais contados a partir do 1 de xullo 2022, a través do sitio web www.becas-santander.com.**

Se se dese a situación en que a Universidade outorgase todas as bolsas e fose o/a estudante quen non a aceptase a través da web, a UDC terá un prazo de 3 días hábiles para outorgar as bolsas a outros estudantes que estean en lista de espera por orde de puntuación. Unha vez que as bolsas fosen repartidas a novos estudantes, estes terán un período de 3 días hábiles para completar a súa aceptación, todo a través da web www.becas-santander.com. O prazo de reasignación das becas terminará o 12 de xullo de 2022.

Unha vez que o período expire, se houbese bolsas que non fosen asignadas pola UDC, esta o notificará inmediatamente ao Banco Santander, que poderá distribuír as bolsas/subvenciones, en condición idénticas, a outra universidade de acordo cos criterios que considere convenientes.

O feito de aceptar a praza a través da plataforma Santander significa que a persoa adxudicataria recibirá o pago da bolsa/axuda na conta bancaria aberta ao seu propio nome nunha sucursal do Banco Santander, previamente rexistrada na sede electrónica da UDC.

O feito de concorrer á presente Convocatoria do Programa supón a aceptación polos candidatos das súas bases e da súa resolución, que será inapelable, e a renuncia a calquera tipo de reclamación.

Banco Santander se reserva o dereito de interpretar as presentes bases. Así mesmo, se reserva o dereito de modificar as bases da presente Convocatoria do Programa, informando acerca das modificacións introducidas aos candidatos a través da páxina web <http://www.becas-santander.com>.

VII. OBRIGAS DAS PERSOAS BOLSEIRAS

Sen prexuízo das demais obrigacións e dereitos establecidos na presente convocatoria e no programa de mobilidade Erasmus, a persoa adxudicataria dunha bolsa Santander Erasmus terá que cumprir coas seguintes obrigacións:

1. A persoa solicitante da beca Santander Erasmus deberá **inscribirse** como tal obrigatoriamente na páxina: www.becas-santander.com **antes do 15 de marzo de 2022.**
2. O/a estudante beneficiario/a deberá aceptar a beca correspondente a través da plataforma habilitada no portal de becas www.becas-santander.com antes do prazo indicado no punto VI.
3. **Antes do 30 de xuño de 2022**, no caso de non habelo realizado antes, a persoa beneficiaria deberá **formalizar a través da sede electrónica da UDC, o rexistro da conta bancaria aberta ao seu nome nunha sucursal do Banco Santander**, na cal quere recibir o pago da bolsa/axuda. No caso de non ter unha conta bancaria que cumpra os requisitos do programa debidamente rexistrada no prazo na sede electrónica da UDC, entenderase que a persoa adxudicataria renuncia á praza concedida, que se asignará ao seguinte estudante na lista de espera.
4. O/a estudante beneficiario/a deberá cumprir coa estancia física en destino, estipulada no seu contrato de estudo/prácticas Erasmus+. En caso de redución da estancia, esta non poderá ser nunca inferior a 60 días para estancias de estudos, nin de prácticas. O incumprimento do período de estancia supoñerá a obrigación de devolver a bolsa/axuda Santander Erasmus. En caso de que o beneficiario da bolsa finalmente non realizara a súa estancia Erasmus integramente de maneira física, terá que devolver o diñeiro do Programa á UDC.

VIII. PAGAMENTOS

1. O importe da bolsa será abonada pola UDC exclusivamente mediante unha transferencia bancaria a unha conta aberta a nome do/da bolseiro/a nunha oficina do Banco Santander en España. O número de conta Banco Santander deberá conter un dos seguintes ESXX: ES0049, ES0075, ES0030, ES0238 ou ES0086.

2. A tramitación do pago iniciarase despois de recibir na Oficina de Relacións Internacionais a copia escaneada do certificado de chegada á universidade ou empresa de destino debidamente cuberta, firmada e selada pola institución de destino.

IX. INCUMPRIMENTO

A solicitude supón a aceptación da convocatoria e das súas bases. Calquera incumprimento da convocatoria ou das súas bases supoñerá a devolución da axuda recibida.

Calquera incumprimento do prazo de aceptación a unha das axudas a través do sitio Web do Banco Santander, supoñerá a anulación automática da adxudicación.

Calquera incumprimento do prazo de rexistro da conta bancaria correcta na sede electrónica da UDC supoñerá a anulación automática da adxudicación.

X. TRATAMENTO DOS DATOS

A UDC será responsable de verificar o cumprimento dos requisitos expostos anteriormente sobre a base dos datos persoais da persoa solicitante da beca de valores que está dispoñible nas bases de datos da propia universidade. No caso de que a UDC teña que recompilar información persoal particularmente sensible das persoas candidatas, incluído calquera certificado ou documentación que a Universidade considere necesaria, o fará de acordo coas regulacións aplicables con respecto á protección de datos persoais vixentes en calquera momento. Para isto, será necesario que **as persoas candidatas que, na súa opinión, cumpran cos criterios de discapacidade requiridos, lle envíen á UDC, por correo electrónico a outgoing.rrii@udc.es, o certificado de discapacidade correspondente e o anexo I (Cláusula de protección de datos asociada ao Programa de bolsas Erasmus) debidamente cuberto e asinado. Estes documentos serán custodiados exclusivamente pola Universidade.**

A UDC non lle proporcionará ningún dato persoal sensible das persoas candidatas ao Banco Santander SA nin a ningunha das súas subsidiarias.

En calquera caso, a UDC non proporcionará de ningunha maneira, ningún dato, indicio ou documento que lle poida permitir ao Banco Santander SA ou a calquera das súas subsidiarias a posibilidade de deducir/inferir ou identificar de algunha maneira que requisito da sección B) anterior cumpre a persoa bolseira. Desta maneira, nin o Banco Santander SA nin ningunha das súas subsidiarias poderán saber que bolseiros/as teñen unha axuda para estudantes en contornos desfavorecidos e/ou presentan unha discapacidade.

A política de privacidade do Banco Santander poderá consultarse en <https://becas-santander.com/legal/privacy>. De conformidade co disposto nesta política, os datos persoais facilitados polos candidatos ao inscribirse no Programa de becas serán tratados por Santander e pola Universidade á que pertencen coa finalidade de xestionar o Programa e realizar a adxudicación das súas becas.

Para máis información: Oficina de Relacións Internacionais

CAMPUS DA CORUÑA
Casa do Lagar
Campus de Elviña
Tel: 981 167 000 (ext. 1959/1960)
Correo electrónico: outgoing.rrii@udc.es

CAMPUS DE FERROL
Edificio de Apoio ao Estudo
Campus de Esteiro
Tel: 981 337 400 (ext. 3634)
Correo electrónico: riferrol@udc.es

O reitor
Julio Abalde Alonso



ANEXO I



Cláusula de protección de datos asociada ao Programa de Bolsas Santander Erasmus

De conformidade co disposto no Regulamento xeral de protección de datos 679/2016, informámolo/a de que os seus datos persoais serán tratados pola Universidade da Coruña, con sede na Maestranza, 9, 15001 A Coruña, con CIF Q6550005J, e enderezo de contacto na Oficina de Relacións Internacionais, Casa do Lagar, campus de Elviña, 15071 A Coruña (DENOMINACIÓN SOCIAL, ENDEREZO, CIF E ENDEREZO DE CONTACTO DA UNIVERSIDADE) en calidade de responsable do tratamento coa finalidade de xestionar a súa candidatura ao Programa Bolsas Santander Erasmus (en diante o Programa) que se ofrece a candidatos cun certo grao de discapacidade para fomentar a mobilidade das persoas con discapacidade. É por tanto necesario que os candidatos a algunhas das bolsas do Programa acrediten legalmente a súa discapacidade, pola contra, non poderán ser beneficiarios destas. A base xurídica que habilita a Universidade para o tratamento deste tipo de datos de carácter sensible é o consentimento expreso da persoa candidata para o tratamento dos seus datos de saúde. Este consentimento é obrigatorio para poder ser candidato a determinadas bolsas do Programa. Os seus datos persoais de saúde non serán cedidos pola Universidade a terceiros salvo por obrigación legal.

Adicionalmente, indicámoslle que os seus datos persoais se conservarán unicamente ata que se xestionen as candidaturas ao Programa e que posteriormente se conservarán bloqueados durante os prazos establecidos legalmente para atender as posibles responsabilidades derivadas do seu tratamento.

Poderá exercer os seus dereitos de acceso, rectificación, supresión, portabilidade dos datos e limitación ou oposición ao seu tratamento a través do enderezo electrónico: outgoing.rii@udc.es (ENDEREZO DE CONTACTO DE DEREITOS E DPO DA UNIVERSIDADE).

En calquera caso, as persoas interesadas sempre poderán acudir ante a Axencia Española de Protección de Datos, autoridade de control en materia de protección de datos, <http://www.agpd.es>.

Consinto que a miña Universidade trate os meus datos de discapacidade (considerados datos de saúde), coa finalidade de xestionar a convocatoria correspondente ao Programa de Bolsas Santander Erasmus.

A Coruña, de de 20.....

Nome e apelidos:

DNI:

Sinatura

.....